



Broj: 04-40-1-18/26
Sarajevo, 19.01.2026. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 18.01.2026. do 08:30 sati 19.01.2026. godine

U izvještajnom periodu Kantonalni operativni centar civilne zaštite zaprimio je jednu informaciju o pronalasku NUS-a i to dana, 18.01.2026. godine u 14:40 sati od Policijske stanice Novo Sarajevo, da je u stanu na adresi Džemala Bijedića br. 56/III, pronađena jedna ručna bomba.

O primljenoj informaciji obaviješteni su pripadnici Tima za UES Federalne uprave civilne zaštite, koji su navedeno neeksplozirano ubojno sredstvo preuzeli isti dan.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su veću intervenciju u 23:48 sati u ulici Mejtaš (općina Centar) gdje je gorjela soba u stambenom objektu. Požar ugašen u 00:42 sati, na gašenju požara učestvovalo 10 vatrogasaca sa dva vatrogasna vozila.

Također, imali su jednu intervenciju na gašenju zapaljenog dimnjaka i 6 obezbjeđenja tankovanja goriva na Međunarodnom aerodromu Sarajevo.

Općinski operativni centar civilne zaštite Stari Grad: U skladu sa naredbama Štaba civilne zaštite Kantona Sarajevo, Općinski štab civilne zaštite Stari Grad organizovao je 24-satno osmatranje (monitoring) terena na ugroženim područjima od klizišta, lokalitetima Curine njive, Knjeginjac i Bistrički potok (teritorija Općine Stari Grad Sarajevo i Opštine Istočni Stari Grad), te kontinuiranu analizu i procjenu stanja na ugroženom području u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije stanovništva, ukoliko to situacija bude zahtijevala) i materijalnih dobara. Uposlenici Službe civilne zaštite Općine Stari Grad Sarajevo, na osnovu zadataka zaštite i spašavanja dana 18.01.2026.god izvršen je obilazak i osmatranje terena na lokalitetima Curine Njive, Knjeginjac i Bistrički potok. Cilj obilaska bila je procjena trenutnog stanja terena te identifikacija potencijalnih rizika.

Vizualnim pregledom stanja na klizištu Curine njive u odnosu na predhodni dan bez većih promjena. Površina tla je prekrivena snijegom, dok je i dalje primjetan dotok vode iz pravca deponije koji se ulijeva

u drenažni kanal u znatno slabijem obimu. U donjem dijelu klizišta, ispod igrališta i dalje je vidljiva erozija tla, kao i pojava nekoliko novooborenih stabala. Na tlu klizišta nisu uočene nove pukotine.

Na lokalitetu Knjeginjac nije zabilježeno novo odlaganje građevinskog materijala. Na lokalitetu deponije uočeno da je površina deponije i dalje prekrivena snijegom. U donjem dijelu deponije i dalje je vidljivo zadržavanje veće količine vode, dok je na gornjem dijelu deponije prisutna erozija tla nastala djelovanjem površinskih voda u predhodnom preiodu. Stanje na lokalitetu je stabilno i bez značajnih promjena u odnosu na predhodne dane.

Korito Bistričkog potoka i dalje je djelimično zatrpano zemljano-kamenim materijalom i obrušenim stablima. Prilikom obilaska lokaliteta Bistričkog potoka utvrđen je nešto slabiji dotok vode iz pravca Trebevića, kao i iz kaptiranog izvora u blizini mosta na Boguševcu. Protok vode kroz korito na dionici od mosta na Boguševcu prema Latinskoj ćupriji odvija se uredno i bez zastoja.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila -5°C, vlažnost zraka 95%, barometarski pritisak 953,0 hPa.

BIHAMK: Saobraćaj se na području Kantonu Sarajevo, zbog sniježnih padavina, odvija po mokrom i klizavom kolovozu.

Prema informacijama prikupljenih od dežurnih dispečera i informativnih službi KJKP GRAS, Centrotans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju otežano uslijed sniježnih padavina.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a